

RILOKEISEN I GO LONG MAEWO

Wanem bambae i hapen sipos we yumi stap nomo? Wanem bambae i hapen sipos yumi go?

STAP NOMO LONG AMBAE

Rilokeisen hem i stap long yu wan

Yu fri blong jusum blong stap long Ambae – evri rilokeisen bambae hemi stap long tingting blong wan wan man mo woman.

Sapot long taem blong rilokeisen bambae hemi gat en blong hem.

Emejensi sapot bambae hemi gohed kasem taem we Gavman hemi putum we hemi long namba 30 Julae 2018. Afta long taem ia, Gavman bambae hemi nomo givhan blong mekem rilokeisen.

Emejensi sapot blong Gavman bambae hemi finis long namba 30 Julae 2018.

Gavman emejensi sapot we hemi stap naoia long olgeta evkuweisen senta bambae hemi finis long namba 30 Julae 2018. Sipos we aktiviti blong volekno hemi gohed blong go antap long fiuja, bambae gavman hemi no save givim semak sapot olsem hemia we i stap naoia. Bambae yu faenem rod blong yu wan blong save go stap long seken hom we gavman hemi provaedem long Maewo o long eni nara ples.

Gavman bambae hemi gohed blong provaedem sevis.

Gavman bambae hemi gohed blong provaedem sevis i go long Ambae, be hemia bambae hemi save go daon.

MUV I GO LONG MAEWO (Namba tu hom)

Bambae i gat sapot

Sipos we yu jusum blong go long Maewo bifo long namba 30 Julae, bambae yu save gat sapot long saed blong transpot mo gat akses long graon, shelta/bilding saplae, kakae mo wota kasem namba 31 Disemba 2018.

Gavman bambae hemi givim transpot

Gavman bambae provaedem transpot long yu mo famli blong yu blong save karem olgeta samting blong yu i go long namba tu hom blong yu long Maewo.

Bambae yu kipim graon blong yu long Ambae nomata we yu muv i go long Maewo

Yu save go stap long namba tu hom blong yu long Maewo mo long sem taem yu save kipim graon blong yu long Ambae. Be blong go mo lukaot long graon blong yu long Ambae bambae hemia hemi stap long responsabiliti blong yu wan.

Namba tu hom blong yu long Maewo

Bambae yu gat akses long graon long Maewo

Sevis bambae hemi go antap

Olgeta sevis olsem olgeta helt klink mo skul bambae oli no enaf taem we yu kasem Maewo, be Gavman bambae hemi leftemap namba blong olgeta sevis ia long fiuja.

RILOKEISEN I GO LONG MAEWO WANEM NAO BAMBAAE I HAPEN AFTA LONG HEMIA?



Emejensi klasta grup hemi aktiveited

Olgeta klasta grup long Vanuatu bambae oli wok tugeta wetem NDMO long olgeta plan blong mekem sua se i gat sapot i go long olgeta pipol blong olgeta oli save muv mo setel daon sef.

Konsaltem olgeta speselis

Olgeta speselis blong taon planing, shelta, wota, helt, edukeisen mo agrikalja oli stap givhan blong provaedem olgeta infomeisen we bambae hemi givhan blong mekem plan blong save muv.



Toktok long olgeta komuniti

Olgeta ripresenteitif blong olgeta klasta grup oli stao toktok wetem olgeta lida mo memba blong olgeta komuniti, hemia blong faenemaot wanem nao olgeta oli wantem mekem. Hemia bambae hemi save tekem ples olsem wan forom mo intaviu long komuniti blong yu – mekem sua se oli harem vois blong yu.

Aedentifaem olgeta opsen

I gat toktok i stap gohed nao blong faenem graon blong rilokeisen hemi save hapen.



Faenalaesem olgeta plan

Aot long olgeta infomeisen we olgeta speselis mo olgeta komuniti oli givim, bambae olgeta plan blong mekem rilokeisen bambae oli save putum tugeta mo rere blong karemaot olgeta plan ia.



Rilokeisen bambae hemi stat

Olgeta pipol blong Ambae we oli wantem blong statem wan seken hom blong olgeta long Maewo bambae oli save gat akses long kraon. Bambae oli go long Maewo, mo bambae oli save kat shelta/bilding mo olgeta saplae blong agrikalja long we. Mo tu bambae oli gat akses long wota mo o i save stat blong mekem hom blong olgeta. **Olgeta pipol we oli stap long olgeta evakuweisen senta nao bambae oli gat fes janis blong save muv.**

Risetelmen oli planem blong hemi tekem ples stat long namba 1 jun kasem namba 30 Julae.



Faenalaesem Rilokeisen

Afta long taem we gavman hemi givhan long evakuweisen, eni man we hemi wantem muv afta long taem ia bambae hemi mas mekem hem.



Givimaot olgeta risos

Olgeta sevis we Gavman hemi provaedem long Maewo, olsem olgeta helt senta, skul mo rod, bambae hemi go antap. Hemia blong mitim nid blong komuniti we hemi rilokeit.

